

Makitu ki dɔkete ki Pol ndangi adi  
**Tesaloniki'gi**

**Ta** ki dɔ makitu'ti ki dɔkete ki Pol ndangi adi  
 Tesaloniki'gi

**Pol ndangi** makitu kin adi Njekawnan'gi ki indɔ ginn'de kagilo ngayn el ɔay me ɔebo'ti ki Tesaloniki. Tesaloniki in burɔdɔ ɔe'gi ki dɔnangi Maseduwann'ti ki Rɔm onɔe dɔ'de. Go k'ɔr ki Timote ɔr poyta ki maji ki ɔjido njekawnan, Pol ndangi makitu kadi ra'n oyo Luwɔ tado kuwɔtɔgiba lɔ'de me kunme'ti, me ndigi'ti me kindɔmedɔti tɔ. Ta ki dɔ tɔl Jeju Kirisiti'ti tulɔ de'gi nan'ti. Be ɔ Pol un ta el ɔr'n ginn'ɔ adi ar njay. Njekawnan'gi indɔi me'de dɔ tɔl Burɔɔbe'ti nan tɔl el ɔay ɔ ra adi de'gi dɔji nan ta ki ta'a ta'a eyina: «Nɔo ki ra'ti ɔ Burɔɔbe a tɔl re wa? Ri ɔ a te dɔ njekunme'gi'ti ki oyi kete non re'ɔ'ti wa?» Pol indɔ hangal Njekawnan'gi bo toki Burɔɔbe a tɔl re inɔe (4.16), ningɔ njekunme'gi pɔti a sii ki dɔ'de taa nan'ti si'ɔ (5.10). Kagilo ki re'n el ɔay, Luwɔ ndigi kadi njekunme'gi rai kulɔ adi'ne kum'de in kete ki rɔnel. (5.14,15).

**Kon ta'gi** ki me'ti: Ra oyo ki piti 1-3. Kisikidɔtaa kigo ndigi'ti lɔ Luwɔ 4.1-12. Tɔl Burɔɔbe 4.13-5.11. Kulɔ'gi ki kadi njekunme'gi rai 5.12-22. Dɔboy ta 5.23-28.

**Kuwɔji nan**

<sup>1</sup> M'in Pol, nan'ti ki Silasi ingi ki Timote\*, ɔ ji ndangi makitu kin j'adi'se in Njekawnan'gi lɔ Luwɔ ki Baw'je, ki indɔi rɔ'se nan'ti ki Burɔɔbe Jeju Kirisiti, ki sii

---

\* 1:1 1.1 KNK 15.22, 16.1

Tesaloniki'ti†. Kadi memaji ki kisimaji lə Luwə in nan'ti sese.

*Pol ra oyo Luwə* tado kunme lə Tesaloniki'gi

<sup>2</sup> Ji ra oyo Luwə ta ta tado lə'se pəti, loki j'isi j'elta ki Luwə ji ɓar tɔ'se. <sup>3</sup> Takum Luwə'ti ki Baw'je, me'je sii olo do kunme'ti lə'se ki sii kum ba, ki ndiginan lə'se ki tingəbil, ki kuwətɔgiba me kindəmedo Burəbe'ti lə'je Jeju Kirisiti‡. <sup>4</sup> Tado ji gər kadi Luwə mbəti'se, in ngannkon'je'gi ki ndigi'se. <sup>5</sup> Toki rɔta'ti, Poyta ki maji ki j'iləmbər'ə dann'se'ti, in me ta ki kel'ti par el, nan in ki tɔgi ki Ndil Luwə adi'je ki me ki tinyi kati ki uwə'je ki ta el. Ingi in gəri panjiyə'je ki ji njiyən dann'se'ti tado maji lə'se kin ɓəti. <sup>6</sup> Ningə ingi, ndaji'je j'in num, Burəbe num nga, tado taai ta lə Luwə ki rɔnel ki Ndil'ə adi'se, me kon'gi'ti ki ngayn nga§. <sup>7</sup> Lo kin'ti, in təli nyandaji tado lə njekunme'gi ki dɔnangi Maseduwann'ti\* ki dɔnangi Akay'ti†. <sup>8</sup> Kah ta lə Burəbe ɓar in rɔ'se'ti, te dɔnangi Maseduwann'ti ki dɔnangi Akay'ti par el, nan poy kun ki uni me'se adi Luwə kin sanan ki lo'gi pəti. Sanan sanan ki j'awi ki ndoo kadi j'elita'a ɓay taa el. <sup>9</sup> De'gi kare kare elita ki do'ti ɔjido kuwə ki uwəi'je ki rɔ'se'ti, ki təl ki in təli gidi'se adi kagi yo'gi lə'se, ə tur kum'se do Luwə'ti ki rɔta'ti, ki nje kisi kumngayira ba, kadi rai ɓər li'ə kin. <sup>10</sup> Kadi rai ɓər li'ə, nginəi ngonn'o ki un'ə taa dann njekoy'gi'ti. Ngonn'o Jeju ki nje taa'je ta wongi'ti ki a re.

## 2

*Kulə* ki Pol ra Tesaloniki'ti

---

† 1:1 1.1 KNK 17.1-9; 1Te 2.1-2 ‡ 1:3 1.3 1Ko 13.13 § 1:6 1.6 KNK 17.5-9 \* 1:7 1.7 2Ko 1.16 † 1:7 1.7 2Ko 1.1

<sup>1</sup> Ngannkon'm'gi, inbe'gi in gəri maji kadi in kare ki ndangi ə j'awi'n rɔ'se'ti el. <sup>2</sup> Taa in gəri maji ɖay tɔ kadi kete non kaw'je ki rɔ'se'ti, de'gi adi'je kon ge taji'je ge Pilipi'ti, nan be kaa Luwə adi'je tɔgi adi j'ilə'n'se mbər Poyta ki maji lə Luwə me rɔ'gi'ti ki ngayn\*. <sup>3</sup> Toki rɔta'ti, ta lə Luwə ki j'isi j'ilə'se mbər'ə, ngirə in dɔ nya ki go'ti el'ti el num, in dɔ row nyara'ti ki ar njay el'ti el num, taa ji sangi row kadi ji to de madi pe pe el num tɔ. <sup>4</sup> Ningə in Luwə ə oo'je kadi j'asi, ə ulə kiləmbər Poyta ki maji ji'je'ti kadi j'ilə mbər'ə. Nga ningə, j'ilə mbər'ə kilə ki kadi ji nəl'n de el, nan kadi nəl Luwə ki nje k'oo ngarme de maji maji. <sup>5</sup> Inbe'gi in gəri maji kadi ndɔ kare j'eli'se ta ki ji to'n'se pe pe el jagi, ke ji to'se ki ta'gi kadi j'ingəi'n nya madi ji'se'ti el num tɔ. Lo kin'ti, Luwə asi kadi mannaji lə'je. <sup>6</sup> Ji sangi kadi de piti'je el. Ji sangi piti lə'se el num, ji sangi piti lə de'gi madi ki rangi el num tɔ. <sup>7</sup> Ningə ki rɔta'ti, k'in'je njekawkulə'gi lə Kirisiti kin, asi kadi j'a j'ində'n tɔgi dɔ'se'ti, nan loki j'in dann'se'ti, ji təl ji sol lɔm lɔm. Ji ra rɔ'je kon ngann'gi'ti ki sii indəi kum'de go ngann'de'gi'ti be. <sup>8</sup> Ji ndigi'se ndigi ki j'isi'n dɔ nja'je'ti kadi j'adi'se Poyta ki maji lə Luwə par el, nan j'isi'n dɔ nja'je'ti kadi j'un rɔ'je inbe j'adi'se. Ingi, in təli nya ki gat'a in ngayn ki rɔta'ti.

<sup>9</sup> M'gər kadi ngannkon'gi, me'se a olo dɔ kon'ti ki j'ingəi me kulə ki ra'ti ki dɔ k'ər rɔgi'ti lə'je. Ji ra kulə kondɔ ge kada ge kadi ji təl nya k'oy dɔ de madi'ti dann'se'ti el. Ji ra be ə j'ilə'n'se mbər Poyta ki maji lə Luwə. <sup>10</sup> Asi kadi in manyinaji lə'je, taa Luwə kaa asi kadi mannaji lə'je tɔ toki, panjiyə'je ki rɔ'se ingi ki uni me'se adi Kirisiti, in panjiyə ki ar njay, in panjiyə ki dana, ki kanji ta madi dɔ'ti. <sup>11</sup> In gəri toki ndəki, kare kare

\* 2:2 2.2 KNK 16.19-24, 17.1-9

pəti, ji ra'se toki baw ngann'gi a ra'n ki ngann'ne'gi be. <sup>12</sup>Ndoki j'ulə dingəm me'se'ti, j'adi'se togi, taa ji dəji'se ki nja nan'ti nan'ti kadi panjiyə'se in panjiyə ki toji kadi in de'gi lə Luwə. Luwə ki bar'se kadi indəi rə'se nan'ti sə'ne do Konbe'ti ki do tɔbar'ti lə'ne.

*Kunme* ki kon lə de'gi ki Tesaloniki'ti

<sup>13</sup>Ginn nya ki j'isi ji ra'n oyo Luwə ki ndo'gi ndo'gi ə to kin: loki j'ilə'se mbər Poyta ki maji lə Luwə ə osi mbi'se'ti, taai ta kin to ta lə de par kare el, nan taai'ə toki in ta lə Luwə toki rəta'ti. Ningə ta kin isi ra kulə me'se'ti ingi ki uni me'se adi Kirisiti. <sup>14</sup>Ngannkon'm'gi, ingi uni do nja \*Njekawnan'gi lə Luwə, me tɔ Kirisiti Jeju'ti, ki sii Jude'ti. Ingi kaa ingəi kon ji ngannkon'se'gi'ti ki ɔkoji'se'ti, ko kon ki ingi ingəi ji Juwipi'gi'ti†. <sup>15</sup>\*Juwipi'gi ki toli Burəbe Jeju ki de'gi ki njekeltakita Luwə'ti, taa j'in k adi'je kon tɔ. Kulə ra'de nəl Luwə el, in njeban'gi lə de'gi pəti‡. <sup>16</sup>ɔgi'je kadi j'ilə mbər Poyta ki maji de'gi ki in Juwipi'gi el, kadi ingəi kaji. Rai be toli ta majel'gi lə'de ki rai ki dɔkagilo'gi pəti pəti. Nan ta tɔl ta'a'ti, wongi lə Luwə osi do'de'ti.

*Pol ndigi* kadi n'təl n'aw Tesaloniki'ti bay

<sup>17</sup>Ngannkon'm'gi, ki ɔjido'je, j'inyəi'se dɔkagilo ki nden be, ningə j'in sanyi sese, kum'je ə oo nan el, nan me'je in nan'ti. Ji sangi ki rə tinyi'je kadi ji təl j'oo'se, tado j'aw ki ɔə'ə ngayn. <sup>18</sup>In tado kin ə, ji sangi kadi j'aw rə'se'ti, ningə m'in Pol inbe ki do'm, m'sangi row nja ngayn, nan \*Satan ilə kagi non'je'ti. <sup>19</sup>Nya ki in nyakindəmedəti lə'je, nya rənel lə'je, jɔgi kəsigon ki j'a j'ində'n gu'je non Burəbe Jeju'ti ndo re'ə'ti, in ingi kin. <sup>20</sup>Toki rəta'ti, ingi in nya tɔbar lə'je ki nya rənel lə'je.

† 2:14 2.14 KNK 17.5-6 ‡ 2:15 2.15 KNK 9.23-29, 13.45, 50, 14.2, 5, 19, 17.5, 13, 18.12

## 3

*Timote aw kul* Ө Tesaloniki'ti

<sup>1</sup> J'asi kadi j'ore me'je, ji nginӨ biti el, adi j'un ndu'je kadi j'isi ki kar'je ba Atenn'ti\*, <sup>2</sup> Ө j'ulӨ ki ngonnkon'je Timote, ki in madi kulӨ'je me kulӨ'ti lӨ LuwӨ, Өji'n dӨ kilӨmbӨr Poyta ki maji lӨ Kirisiti, kadi adi'se tÖgi Ө ulӨ dingӨm me'se'ti me kunme'ti lӨ'se. <sup>3</sup> In be kadi de madi dann'se'ti inyӨ rӨ'ne adi kon ki ngÖsine isi ingӨi kin dum dӨ'a el. Tado inbe'gi in gӨri maji kadi in nya ki sÖw dӨ'je kadi a ra'je. <sup>4</sup> DÖkagilo ki j'in sese bÖy, j'eli'se kete j'ene de'gi a indӨi kum'je ndoo, ningӨ in nya kakin Ө isi ra nya kin, adi in gӨri maji. <sup>5</sup> In tado kin Ө, toki ka ki m'asi kadi m'ore me'm, m'nginӨ biti el, m'ulӨ Timote ki rӨ'se'ti kadi dÖji ta dӨ kunme'ti lӨ'se oo. M'bol kadi Su, njenan de'gi, nan'se adi kulӨ lӨ'je tӨl nya ki kare rӨ'je'ti.

<sup>6</sup> NingӨ ki ngÖsine kin, Timote tӨl rӨ'se'ti re te rӨ'je'ti ne†, Ө adi'je poyta ki maji ngayn Өjido kunme lӨ'se ki ndiginan ki to dann'se'ti. Timote el'je toki me'se to dӨ'je'ti maji ngayn ki ndÖ'gi pӨti, taa el'je bÖy kadi in ndigi ngayn kadi oyi'je toki j'in kaa j'isi sangi ngayn kadi j'oo'n'se kakin be tÖ. <sup>7</sup> Lo kin'ti ngannkon'gi, me ndigӨrÖ'gi'ti, ki me kon'gi'ti lӨ'je pӨti, j'ingӨ tÖgi ki rӨ'se'ti Өjido kunme lӨ'se. <sup>8</sup> Ki ngÖsine kin, ji tӨl j'ingӨ tÖgi kisi kumngayira, tado uwӨi tÖgi'se ba me kindӨ rÖ nan'ti ki BurӨbe. <sup>9</sup> Ji gӨr nya inbe ki kadi ji ra taa kadi ji ra'n oyo LuwӨ ngayn Өji'n dӨ'se, Өjido rÖnel ki adi j'ingӨ takum LuwӨ'ti kin el. <sup>10</sup> KondÖ ki kada, j'isi ji dÖji LuwӨ ki rÖ tinyi'je kadi adi'je tarow adi ji tӨl j'oo'se, Ө kadi ji tÖl'n ta nya ki du'se me kunme'ti lӨ'se tÖ.

<sup>11</sup> Kadi LuwӨ ki Baw'je, ingi ki BurӨbe lӨ'je Jeju Kirisiti, tei tarow ki kaw rӨ'se'ti adi'je. <sup>12</sup> NingӨ kadi

\* 3:1 3.1 KNK 17.15-16 † 3:6 3.6 KNK 18.5

Burøbe ra adi ndiginan ki to dann'se'ti, ki isi ndigi de'gi pøti kin aw ki kete kete, to to ndigi ki j'in j'isi ji ndigi'se kin be. <sup>13</sup> Taa kadi adi me'se ðol el, kadi ndo ki Burøbe Jeju a re ki malayka'gi lø'ne ø, kadi ari njay, ta goto dø'se'ti non'a'ti in Luwø ki Baw'je.

## 4

*Pa njiyø* ki nøl Luwø

<sup>1</sup> Ngannkon'gi, dø ndøgi ta'gi'ti, ji ndo'se panjiyø ki kadi njiyøi kadi nøl Luwø, ningø in panjiyø kakin tø ø isi njiyøi, nan ji tøl ji døji'se ðay, taa j'ulø dingø m me'se'ti me kindø rø nan'ti ki Burøbe Jeju, kadi rai adi maji ki dø mad'a'ti ðay. <sup>2</sup> Ingi, in gøri ndu ki in rø Burøbe Jeju'ti ki j'adi'se kin maji. <sup>3</sup> Nya ki Luwø ndigi rø'se'ti, in ta kadi ari rø'se njay, øgi rø'se sangi nan kaya'ti. <sup>4</sup> Kadi de ki ra dann'se'ti, gø r lo taa dene ki gorow ki ar njay, ki adi kōsigon, <sup>5</sup> ki kanji kadi nyønn darø aw si'ø adi ra toki de'gi ki gøri Luwø el isi rai kin be. <sup>6</sup> Ki øjido lo kin, kadi de madi ra majel ki ngonkon'ne eke kadi ød'ø el, tado de'gi ki njera nya ki be kin, ban'a a uwø'de ki rø Luwø'ti, adi j'el'se kete, ø ji tøl j'el ðay nga. <sup>7</sup> Tado Luwø ðar'je kadi j'ar njay, um ðar'je kadi ji sangi nan kaya'ti el. <sup>8</sup> In be ø, de ki øsi nyando kin ngø røngi, in de ø øs'ø ngø røngi el, nan in Luwø ø øs'ø ngø røngi. Luwø inbe ki nje kadi'se Ndi'l'ne kin.

<sup>9</sup> Ki øjido ndigi ki kadi ngannkon nan'gi ndiginan, awi ki ndo kadi ji ndangi makitu dø'ti j'adi'se el, tado inbe'gi, Luwø øji'se row ndiginan dann'se'ti yo ki ne adi in gøri. <sup>10</sup> Ningø in ka tø ø isi øji ki rø ngannkon'je'gi'ti pøti ki dōnangi Maseduwann'ti ki ta'a ba kin\*, nan ngannkon'm'gi, j'ulø dingø m me'se'ti kadi rai adi maji

\* 4:10 4.10 2Ko 1.16

ki dɔ mad'a'ti ɓay. <sup>11</sup> Kadi nya ki uwə me'se ngayn, in kisi ki nan ki lapiya, kadi de ki ra dann'se'ti ore kum'ne dɔ kulə'gi'ti lə'ne, ningə kadi rai kulə ki ji'se inbe'gi ə ingəi nya toki j'ilə'n ndu'je j'adi'se. <sup>12</sup> Lo kin'ti, de'gi ki in njekunme'gi el, a piti'se me kulə ra'se'ti, ningə a awi ki ndoo nya madi ki to rɔ'se ji de madi'ti el tɔ.

*Njekoy'gi* ki nje kisi kumngayira ndɔ təl Burəbe'ti  
<sup>13</sup> Ngannkon'gi, ji ndigi kadi sii day dɔ ta'ti ki dɔ njekoy'gi'ti el. Kadi sii day el, ndingəi rɔ'se to ndəgi de'gi ki awi ki nya kindəmedoti el kin el. <sup>14</sup> Toki ka ki j'un me'je j'adi Jeju ki oy, ə ində taa lo koy'ti kakin ə, j'un me'je kadi nje ki oyi nan'ti ki Jeju, Luwə a un'de lo koy'ti ki nan'ti ki Jeju. <sup>15</sup> Ningə ta ki kadi j'eli'se ə to kin, in ta lə Burəbe. J'in ki j'a j'isi kumngayira ba ndɔ təl Burəbe'ti, j'a j'aw dɔran'ti non nje ki oyi'ti el. <sup>16</sup> Tado Burəbe inbe a ində mbər loki ndu njekundo malayka'gi, ki ndu tow lə Luwə a ɓar ə, Burəbe inbe a ində dɔran'ti re, ningə de'gi ki uni me'de me tɔ Kirisiti ki oyi, a indəi taa lo koy'ti kete, <sup>17</sup> nga ningə go'ti, j'ingi ki j'isi ki dɔ'je taa ɓay, Luwə a ɔy'je nan'ti se'de me kilndi'ti, kadi j'ingə Burəbe ngaw dann ran'ti. Lo kin'ti, j'a j'isi nan'ti ki Burəbe ki ndɔ'gi ndɔ'gi†. <sup>18</sup> Maji kadi uləi dingəm me nan'ti yo ge ki ne ge ki ta'gi kin.

## 5

*Kisi* dɔ nja'ti nginə ndɔ təl Burəbe

<sup>1</sup> Ngannkon'gi, ki ɔjido dɔkadi ki dɔkagilo ki kadi nya'gi kin a rai nya, awi ki ndoo kadi ji ndangi makitu dɔ'ti j'adi'se el. <sup>2</sup> Inbe'gi in gəri maji ngayn kadi ndɔ lə Burəbe a re to njeɓogi ki a re ɓogi kondɔ'ti kin be. <sup>3</sup> Loki de'gi a eli eyina nan: «Lapiya to nga, j'isi maji nga!» kin

† 4:17 4.17 1Ko 15.51-52

ningə, in ə tuji a te uwə'de nanga bus, toki to ndo a ra'n dene ki nje sə'm kin be. Ningə de ki a te anyi ta nya'ti kin goto. <sup>4</sup> Nan in ngannkon'm'gi, sii me lo ki diw'ti ə kadi to nya kin a uwə'se nanga bus to njeɓogi be el. <sup>5</sup> Tado pəti, in ngann'gi ki me kunjji'ti, ngann'gi ki lo ki kad'a. J'in de'gi lə lo ki kondɔ el num, j'in de'gi lə lo ki diw el num. <sup>6</sup> Ə adi ji toi bi to ndəgi de'gi be el, adi j'isi dɔ nja'je'ti, j'adi kum'je ar. <sup>7</sup> Nje to bi'gi, toi bi kondɔ, ə nje kanyi yiwi'gi, yiwi ra'de kondɔ tɔ. <sup>8</sup> Nan j'ingi ki j'in de'gi lə lo ki kad'a, maji kadi j'in nje kum kar'gi. Adi j'uləi kunme ki ndiginan to bar handi be gu'je'ti, ə kindəmedo kaji'ti to jɔgi taa nya dɔ'je'ti be. <sup>9</sup> Tado Luwə ɓar'je kadi wongi li'ə ində'je el, nan kadi j'ingəi kaji ki gorow lə Burəbe lə'je Jeju Kirisiti. <sup>10</sup> Kirisiti ki oy tado lə'je, kadi re j'isi kumngayira, eke j'oy kaa, ji təl j'ində be nan'ti si'ə. <sup>11</sup> In tado kin ə, maji kadi uləi dingəm me nan'ti ge, rai ki nan ki yo ge ki ne ge kadi tɔgi me kunme'ti lə'se, toki isi rai kete nga kin be.

*Ta kɔji ki dɔboy'ti ki kuwəji nan*

<sup>12</sup> Ngannkon'gi, ji dəji'se kadi oyi tor de'gi ki isi rai kulə dann'se'ti, adi in nje ki isi indəi kum'de go'se'ti kigo ndu Burəbe'ti, isi ndəji'se kin. <sup>13</sup> Maji kadi tɔji'de ge ki gei ta lə'de ki taga wangi, ki ndiginan adi'de gəri, tado kulə ki isi rai. Maji kadi sii ki nan ki lapiya dann'se'ti.

<sup>14</sup> Ngannkon'gi, ji dəji'se kadi ndəji de'gi ki sii njiyəi ngalala, uləi dingəm me nje ki me'de tuji'ti, ɔsi ginn nje ki tɔgi'de goto, ə sii dɔ'ti ki de'gi pəti. <sup>15</sup> Kadi oyi maji, kadi de madi ugə kirə majel ki mad'a ra si'ə ki majel el, nan kadi adi kum'se in go maji ki ra'ti ki ndo'gi pəti. Rai maji ki nan dann'se'ti inbe'gi num, ki rɔ de'gi'ti pəti num.

<sup>16</sup> Adi rɔ'se nəl'se ki ndo'gi pəti, <sup>17</sup> elita ki Luwə ki kanji k'inyə taa, <sup>18</sup> rai' oyo Luwə me nya'gi'ti pəti. In



kin ə in nya ki Luwə ndigi rɔ'se'ti, ingi ki indəi rɔ'se nan'ti me tɔ Jeju Kirisiti.

<sup>19</sup> Ningə maji kadi, Ndil Luwə ki isi me'se'ti kin, ɔgi'ə el, kadi ɔr'se tarow, <sup>20</sup> taa ta ki de'gi ki njekeltakita Luwə'ti eli kaa, kadi kidi el tɔ. <sup>21</sup> Nan kadi indəi manji nya'gi pəti, ningə uni ki maji dann'ti. <sup>22</sup> ɔgi rɔ'se ra majel'gi ki dangi dangi.

<sup>23</sup> Maji kadi Luwə inbe ki nje kadi de'gi lapiya, ɔr'se ki ta'a ba, ində'se ta dangi tado li'ə. Ningə kadi ngəm ndil'se, ki rɔ'se, ki darɔ'se, kadi ndo təl Burəbe Jeju Kirisiti'ti ə, in ki ta madi do'se'ti el. <sup>24</sup> Luwə ki bar'se in njera nya ki low'ə'ti, adi inbe bay ə a ra nya'gi kin.

<sup>25</sup> Ngannkon'gi, elita ki Luwə tado lə'je. <sup>26</sup> Uwəi ji ngannkon'je'gi pəti ki kuwə nan rɔ'ti rututu.

<sup>27</sup> M'dəji'se me tɔ Burəbe Jeju Kirisiti'ti, kadi tudəi makitu kin mbi ngannkon'je'gi'ti pəti.

<sup>28</sup> Ningə kadi memaji lə Burəbe Jeju Kirisiti in nan'ti sese pəti.

Ta lə Luwə Kunmindī kī Sigi  
New Testament in Gor

copyright © 2014 Wycliffe Bible Translators, Inc.

Language: Gor

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 14 Jun 2022 from source files dated 1 Jun 2022

2c67456e-bce1-5ef4-9c95-47d2d9335aa4